


百川學海

正六



玉堂雜記
揮塵錄
上中下
上下

漢書門			
三三	三七	三四	三三
冊	架	函	號類

內閣文庫			
三七〇函	一三七架	三一四號	三四號類

內閣文庫		
番號	漢	3144
冊數	33(6)
函號	370	35

乙集

三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





玉堂雜記序

淺草文庫

必大試館職時太上稱其文諭宰執陳公康伯朱公
 倬云他日令掌制今上受禪兩月自六察擢左史初
 對玉音云向在王邸見卿詞科擬制雅宜代言不旋
 踵遂兼三字其後兩入翰苑首尾十年自權直院至
 學士承旨皆徧為之其荷兩朝知遇至矣歲月既久
 凡涉典故及見聞可紀者輒筆之淳熙庚子進位二
 府蘇易簡玉堂之思每切于中因命小子綸哀為一
 編畧加訂其間多涉幾微非止溫木或剛成雷僅得

玉堂雜記序



五十餘條前後脞錄辭無銓次釐爲三卷或可附洪
氏翰苑羣書後云壬寅八月十二日周必大題

玉堂雜記卷上

宋 周必大著 張遂辰閱

錢文僖公惟演金坡遺事云舊規學士六人遇聖節
共率百二十緡寺中設齋今送五十千與樞密使同
開道場前一日赴宴當時所記如此近歲樞密院滿
散聖節及貢院賜宴則學士待制皆與而無送錢故
事又六參隨樞密班先入止是再拜不舞蹈并遇宣
麻不往皆內朝故事也

金坡遺事又云聖節唐時惟六學士及二使

謂中官
樞密使

赴侍詔雖發書屈亦不與坐又云 本朝淳化五年
十月上賦詩一首令待詔吳郢張用和齋以示學士
張洎錢若水又李昌武宗諤翰苑雜記學士初授中
謝前一日待詔一名至私第宣召入院聽口宣舞蹈
訖揖待詔上階相見具酒果迎待卽以事例物并書
致於待詔前熙寧間司馬文正公日記云初除學士
待詔李堯卿宣召設香案褥位於庭望闕堯卿稱有
敕光再拜堯卿口宣云云光每句應喏畢再拜舞蹈
又再拜升階與待詔坐啜茶蓋中朝舊典也今學士

院有待詔四人或右選或白身子爲學士忠翊郎錢
滋來宣召大略如李馬二公所記而無對揖茶酒之
禮例支十千辭云自來虛喝不敢受予強予之常日
學士入院坐堂上朱衣吏初贊喝東院錄事某人以
下躬喏訖又喝云各祇候次贊喝西院某人以下亦
如之最後平贊云待詔旣不名亦不喝各祇候則待
詔與院吏固亦有間若平居則視之全與吏等無由
待以茶酒豈將命時不欲吏之邪抑 祖宗時所遣
或翰林他局之待詔邪然唐制發書屈赴聖節禮已

厚矣

李仁父燾續通鑑長編開寶二年太祖命李昉盧多遜分宣學士院昉前在翰林堂吏因事至者每拜堂下事已卽遣未嘗與坐至是拜堂上更展叙中外無復曩日之禮昉愕然詢同列則云數年矣

司馬文正公日記云熙寧二年五月癸巳鎖院以奉安二御容禮成德音降西京囚杖以下放是日丞相出中書提點魏李先以下入院授以參政趙抃所封御前扎茶湯館于虛閣御藥劉有方來茶湯館于

門塾復謁御厨翰林設食致酒果黃昏進首尾詞內批依此修寫四鼓起讀點句攢點進入明日丞相退朝宣訖開院淳熙三年十一月八日必大被宣草十
二日冬祀赦黃昏方至院御藥持御封中書門下省熟狀來繫鞵迎于中門同監門內侍一員俱升廳御藥先以熟狀授監門共茶湯訖先送御藥中院復與監門升廳受熟狀付吏又點湯送監門下階館之門塾而不報謁旣熟狀自內出非參政所封故提點官不來惟中書門下省刑房錄事尚書省刑房主事各

王學雜言 卷上
一人穿乘同至仍舊繫鞵見之不迎不送不設茶湯而退守當官四人貼房十數人旅揖階下與文正公所記多不同至六年九月十二日復被宣草明堂放御藥張安中監門梁襄相見如儀惟錄事沈煥主事李師文茶而不湯院吏云前不設茶誤也守當官等不復廷揖所謂酒饌之賜今皆無之詰朝奏知先出而吏卒輩皆俟三日後宣赦訖乃得歸

太上初遜位上尊號時陳丞相康伯當國集議定命學士洪景巖遵撰議文然後降詔必大時任察官心知其非而無由改乾道六年郊祀禮成加上尊號必大在翰苑始引唐故事乞上帥羣臣過宮表請既允然後降詔國朝止有人主上母后尊號故冊文稱嗣皇帝靖康上 教主道君之號徐丞相處仁已命汪彥章藻代作冊文會有疆事不及行禮紹興三十二年上 德壽尊號乃承例用嗣皇帝乾道六年上既表加乞上尊號而院吏寫表亦稱嗣皇帝私謂未安謹按唐明皇傳位後顏真卿議肅宗不當於宗廟稱嗣皇帝况親奉表德壽乎以白虞丞相允文丞相

難之必令尋例必大思建炎以後遇節朔遙拜徽宗表是時翰苑多名士必不誤用乃督吏搜舊牘明日果得表本一冊止稱皇帝又按韓文順宗實錄載憲宗上順宗尊號冊文亦稱皇帝臣某此最可據其議遂定

是歲初議於太上皇帝尊號中加憲天體道四字皇后加慈明二字必大草詔云太上皇帝與天同大體道之宗太上皇后如月之明以慈爲寶蓋取文憲之願耳將宣佈而議者謂天聖三年賜太宗女

申國大長公主謚曰慈明當避於是改用明慈二字宰執云詔書先明而後慈殆默定也

必大與同直院鄭仲益聞既分草皇帝請加上太上皇帝皇后尊號牋表諸公謂太上皇帝自當答誥頗疑皇后難於措辭必大請以意共爲答誥文意所及總言父母以該之而不稱予吾之類遂草以進上甚以爲然凡兩答誥皆必大所草也

上於文字尤欲得體一覽便見是非必大草太上辭尊號第一誥其末云怡神閒燕何力之有上曰

王堂雜言 卷一
此雖道太上語畢竟自此起草送去何力之有句不能無嫌必大遂改作無累於物益 上用意至到如此

康熙二年六月禮部太常寺申來年 太上皇帝當慶七十欲將國朝加上尊號并 壽典禮參酌比附先次討論壬申有旨恭依七月乙酉侍從禮官等就都堂議加性仁立德至神無爲八字而皇后再加二字爲齊明廣慈後兩日禮部趙侍郎雄謂無爲二字與 太上字相連頗涉語忌請改爲明武煥文其後

又嘗作至神無爲又作成武煥文逮癸卯乃定用性仁立德無爲全美參政龔實之茂良而下尚不以爲然葉丞相衡旣主之衆莫能奪八月直院胡長文元質罷丁卯 上自用必大再直已擬詔草會九月乙未葉丞相罷龔參首招予及學士王季海共議然後定爲性仁誠德經武緯文遂草宣布詔其頌 太上皇帝云以德行仁本性誠之固有修文偃武合經緯之自然 太上皇后云月齊日以得天而能久照坤順乾而配地是以廣生 上再三稱獎謂數句用經

語該括明備非卿不能爲真大手筆也

大禮降御劄旣云劄示則當親筆付外近歲同常詔從院吏寫本行出未知中朝舊事如何乾道九年六月七日宣當直學士草南郊御劄三更進草其間云乾清坤夷振四方之綱紀星暉海潤兆百世之本支玉卮每奉於親闈瑞節歲交於鄰境上改作農扈屢豐戎軒載戢崇禮樂而四達嘉風俗而再淳玉卮每奉於親闈美化遂淳於海宇仍批云可改簽抹者五句意不近於郊祀其欲得體大率如此

已亥三月丁卯詔今歲郊祀以例約束省費旋有旨未令行出下禮部太常寺議明堂大禮初李仁父主此說於前郊嘗經集議會近習揚言燾博極羣書却不會讀孝經乃不果行至是予以禮部尚書兼翰林學士與諸儒議曰周公雖攝政而主祭則成王王方幼冲故周公參稽古制藏事於明堂其曰嚴父者指周公能推本武王之志追尊文王之功非謂自主其祭祀也衆以爲然遂奏臣等竊觀傳載黃帝拜祀上帝于明堂唐虞祀五帝于五府歷時旣久其詳莫得

而聞至禮記始載明堂位一篇言天子負斧依南鄉而立內之公侯伯子男外之蠻夷戎狄以序而立故曰明堂也者明諸侯之尊卑也孟子亦曰明堂者王者之堂也周禮大司樂有冬至圜丘之樂夏至方丘之樂宗廟九變之樂三者皆大祭祀惟不及明堂豈非明堂者布政會朝之地成王時嘗於此歌我將之頌宗祀其祖文王乎後暨漢唐雖有沿革至於祀帝而配以祖宗多由義起未始執一本朝仁宗皇祐中破諸儒異同之論卽大慶殿行親享之禮並侑

祖宗從以百神前期朝獻景靈宮享太廟一如郊祀之制太上皇帝中典斟酌家法舉行於紹興之初亦在殿庭蓋得聖經之遺意且國家大祀有四春祈穀夏雩祀秋明堂冬郊祀是也陛下卽位以來固嘗一講祀穀四躬冬祀惟合宮雩壇之禮猶未親行今若特舉秋享於義爲允臣等謹據已行典禮及將前代賀循本朝名儒李泰伯范鎮明堂嚴祖說并治平中呂誨司馬光等集議近歲李燾奏劄具錄以聞乙亥有旨從之九月上辛以顯肅后忌前改用仲辛行

禮辛酉當受誓戒前一日上語宰執足指瘡腫恐妨拜跪欲展季辛又值顯恭后忌如何宰執奏天地尊后忌卑遂降旨用二十六日必大按漢武太初太始征和中屢祀明堂不專用辛方請別十日詰朝上忽遣中使諭旨都堂夜來傳藥足瘡良愈不必改日但已展誓戒之期若再降旨不張皇否趙相奏此却無妨遂以是日午時集官受誓戒丙寅大雨丁卯鎖院草赦戊辰百執事冒雨入麗正門過後殿請皇帝致齋已巳上乘逍遙車朝獻景靈宮入太廟

宿齋四日之間雨晝夜傾注通衢殆如溪澗有旨來早不乘玉輅止用逍遙車徑入北門趨文德殿致齋朝服導駕官皆改常服應儀仗排立人並放趙相爲大禮使密諭有司未得放散黃昏後雨驟止夜分內侍李思恭傳旨御史臺閣門太常寺仍舊乘玉輅府合行事件疾速施行庚午昧爽駕來登輅必大執綏上喜曰且得晴霽辛未行禮月色如畫上拜起不倦以迄于成黎明登樓肆赦簪花過德壽宮人情熙然赦書乃必大視草其間云惟周成宗祀洛中陟配於

文王帷漢武合祠汶上推嚴於高帝皆用親郊之禮
具殫尊祖之誠於鑠本朝若稽前代俶經路寢有皇
祐之彛儀徧秩羣神有紹興之近制不愆于素可舉
而行蓋欲明著古禮以示來世也後數日加恩羣臣
必大復草趙相制云裸將太宮霖潦驟霽陟恪大寢
月華正中又云鎮定大事如彥博之恢宏貫通羣經
如宋庠之博治皆紀一時之事且以仁宗初行明
堂二公實爲相也大禮赦條乃六部諸司條具上省
省中類聚取旨訖卽進熟狀降付學士院草赦文本
院升首尾詞大書進入其間多云當議將上取旨益
有司擬申如此旣經畫旨行赦便是處分不應仍舊
用當議二字必大爲學士諭令削去院吏特不敢遂
親以筆塗之
大禮 上乘玉輅率命翰林學士執綏備顧問近歲
多闕正員臨時選差他官與五使同降旨淳熙丙申
南郊巳亥明堂必大再爲之按京師用唐顯慶輅嘗
以登封其穴固可知元豐改造巳不能及今乃紹興
癸亥而所製 上自太廟服通天冠絳紗袍乘輦至

輅後由木陛以登惟畱御藥二宦者侍立執綬官完
從旁用小梯攀緣而上衛士以綵繩圍腰繫以上柱
輅行頗搖兀宸兀亦覺危坐云

大禮後上御樓揭鷄竿肆赦皇太子及文武百僚
拜舞于下惟樞密使翰林學士相對侍立樓上丙申
巳亥必大扈從再登麗正門望濤江形勢環抱極壯
觀也

乾道七年四月甲子詔皇太子判臨安府用至道故事也或謂當以太中大夫爲判官通領府事恐名稱未正遂議改尹而以侍從爲少尹餘判推官用卿監郎官丁卯將鎖院降麻或又疑宣麻又疑宣麻給告非待儲貳之禮已巳後省官禮官會議於史院檢照唐太宗征遼命太子監國及大帝命太子受諸司啓事或詔或制抗麻爲重可以作則上然之庚午偶當日被宣范紫可成大先以侍講遞宿聞報遽出溥莫至玉堂御藥李忘其名持御封御筆皇太子某宜領臨安尹可依此挽制三鼓進草因奏此制書既不給告則當付有司空行竊恐皇太子別無被受欲依自

來詔書體式格又首尾書寫一通降付皇太子今擬定王式進呈如賜俞允乞速批降付下御筆批依辛未定告大廷惟此稀濶盛典適以史官備討論詞臣參大色復得宸翰寶藏予家非儒生之榮遇乎

答皇子式用卿字非是前輩知體則不然其他或汝或王或公皆當有別

翰苑歲進春端貼子如大內多及時事太上則詠遊幸之類必大嘗自德壽宮後垣趨傳法寺望見一樓巍然朝士云太上名之曰聚遠而自題其額仍

大書東坡賴有高樓能聚遠一時收拾與閑人之詩於屏間又靈隱寺冷泉亭臨安絕景去城既遠難於頻幸乃即宮中鑿大池續竹筒數里引西湖水注之其上疊石為山象飛來峯宛然天成必大作端午帖子云聚遠樓頭面面風冷泉亭下水溶溶人間炎熱何由到真是瑤臺第一重蓋謂此也前後頗聞禁籞大畧併記于下宮中分四地分隨時遊覽東地分香遠梅清深竹月臺梅坡松菊三徑菊清妍茶清新芙蓉岡南地分載忻大堂忻忻古栢射廳臨

木芙蓉岡南地分載忻大堂御宴處古栢射廳臨

賦荷花燦錦金林至樂池半支紅郁李清曠木瀉碧

養金山子西則冷泉古文杏館靜樂牡浣溪大樓子北則

絳華羅木旱船俯翠茅春桃盤松其詳不可得而知

也嘗見御製盤松贊墨本云天錫瑞木得自嶽岑枝

蟠數萬榦不倍尋怒騰雲勢靜奏琴音凌寒鬱茂當

暑陰森封以腴壤邇以碧濤越千萬年以慰我心碑

在宮中又汪季路達得御製祭土地文藁真蹟寶藏

之其文云維淳熙五年歲次戊戌十一月日 太上

皇帝遣具階張宗尹特設牲牢旨酒珍果香花三祭

于本宮土地之神神有百職職各不同典司草木土

示是供我遊湖園乃獲竒松植之禁苑百態千容婆

娑偃蓋夭矯騰龍翠色凝露清音舞風醉吟閑適予

情所鍾雙培封殖久或力窮烏烏外擾蟻蠹內攻神

其勦絕勿使能終精邪竊據盜谷適逢神其呵逐勿

使遺踪常令勁質坐閱隆冬堅踰五柞弱異雙桐歷

千萬年鬱鬱葱葱牲牢旨酒嗣錄汝功尚饗

歐陽文忠公學士院草錄世已不傳近歲有玉堂集

云是李漢老所編類亦差訛非全書其中却載皇太

玉堂雜記 卷上 十一

付外施行庚戌從駕過德壽宮既歸得旨赴東華門
祇候宣引日已晡聞有內宴小黃門出云恐改日引
然不敢退酉後忽宣入選德殿起居畢上微被酒
袖出親劄云比來一二大臣同心輔正夙夜匪懈漸
革苟且之風以副綜覈之意深可嘉尚今因除授宜
示褒典虞允文可特進左丞相梁克家可正奉大夫
右丞相御前設小案用牙尺壓蠲紙一幅傍有漆匣
小歛硯寘筆墨於玉格必大鞫躬書除目進呈訖奏
曰拜相轉官前例回不一今並命而或三或四更取

聖裁上曰以其協心故褒進之然特進一官卽少
保所以允文三官又問兼樞密使否上曰今樞密
亦非古先改丞相稱呼將來別理會且帶可也又奏
所領書局上曰卿自理會賜坐奏問既改左右相
其序位如何上曰欲升在三少之上三公之下逮
聞請起宣坐賜茶飲訖再拜而退御藥李邦直同自
複道秉燭鎖院蓋上意欲密故不用尋常宣官之
禮金蓮故事今庶幾焉凡鎖院御藥監門中官各一
員御藥畱宿其廳鎖赦或先去恐是
大禮別有職事昧爽再相見以

小字制書本授之送至中門先啓鑰入內卽復扁院
俟朝退宣麻訖學士乃得歸時虞公獨相梁爲參政
聞班列中但謂改易相名及雙制出愕然或疑學士
多轉右相一官有所抑揚不敢辨也按本祖宗時命
相多以舊官其後往往遷秩近歲勅局修三省法乃
著令轉三官茲豈當立法乎

乾道七年七月二十六日午後快行家傳旨下學士
院取從官爲四川宣撫使體例蓋是時參知政事王
公明炎在蜀三年屢求歸宰相薦吏部侍郎王能甫
之奇爲代故來索例必大令回奏云降麻官方屬本
院侍從當問三省旣暮忽宣鎖至院已秉燭中使出
御封御筆乃王炎除樞密使依舊四川宣撫使其密
如此吏寫熟狀依例不轉官但加食邑必大方草制
未暇細思旣得筆依奏方省其誤自寫奏云本朝改
官制後以太中大夫爲宰執官當時改樞密使爲知
院事 中興以來旣復置使首用舊弼故恩數多視
宰臣未有以中大夫克者昨作徹元是通議大夫虞
允文太中大夫故不轉官今王炎止是中大夫竊慮

合轉左太中大夫仍加封邑庶協近制御筆批依時
三鼓批墨尚濕

必大初直院見批答臣僚章表皆大書其後不過三
兩行表紙盡則接以詔紙數幅文盡乃止然表紙高
詔紙矮參差不等問之掌政並無依據心每疑之其
後徧於執政故家求承平時舊本稿得仁宗皇祐
間答孫威敏公汚辭免副樞表則所接之紙高低相
若淳熙乙未再叨寓直閏九月十二日因李參彥穎
王樞准斷章批答卽具奏照皇祐體式於表後用一

等紙書寫進呈仍乞今後准此施行御筆依遂爲定

制

宰執及親王使相太尉生日天章閣排辦牲餼預申

學士院撰詔書及寫賜目一紙各請御寶

詔用書詔
之寶賜目

賜賜前一日差內侍持賜其詔例畫撰進之日謂如

正月旦生文意必叙歲首而所畫日則是去臘殊不
相應必大爲直院奏乞不拘進詔早晚但實畫生日
於後得旨從之遂爲定制祖宗時牲餼外又錫噐
幣往往就差子弟姻戚特賜欲其省費也過江惟牲

餼耳米麩本色羊準價皆取之有司酒則臨安醞造
臨時加以黃封拜賜訖與使者同升廳搢笏展讀就
坐茶湯書送錢十五千從人三千天章閣使臣庫子
快行錢酒各有差

淳熙丙午八月庚辰德壽宮遣大璫張去為至都堂

傳旨立耀貴妃為今日上皇后明日午後執政

奏事 皇后歸姓謝氏乙酉晚快行家來宣鎖院是

日侍講刑部侍郎程泰之已宿直呼馬而出予至內
前適與之遇泰之揚鞭云留詩案止矣酉時出自東

華門入對選德殿 上曰 太上有 旨立謝后命

卿草制必大奏合畧及歸姓否 上曰不如此四方

何由知明言勿隨乳母可也宜坐賜茶訖御藥王濛

同入院二鼓後進草畢吏呈泰之詩云抖擻身章却

冒塵褻蹠顧影也逡巡鑿坡寓宿非其地蓮燭操文

自有真字直由來同古語位高兼復見今人迎潮有

諾無輕爽季老當年不諉貧 謂賜金也 予次韻戲之云天

街並踏軟紅塵飛鞚交馳駭微巡椒殿敢期當制草

槐庭元擬用儒真 初謂年兄入相鎖院 鬻方偶免冬龜手適市

深慙且攫人禮絕同僚應有日重霑潤筆乃無貧謂
制亦賜金也先是七月十九日六曹長貳六人往浙江亭
觀潮泰之在焉惟予以內直不赴曠時大雷雨走筆
戲蔡子平洸云雷轟萬鼓勒潮回無復亭前雪作堆
應爲尚書慳且澁育風惟雨一時來迎潮輕爽之語
指此

淳熙丙申八月乙未都堂召議賜交趾來年曆日詔
書予謂李天祚去冬已薨龍翰未經封拜欲作安南
國王嗣子龍翰執政然之先是予以兵部職事條具
天祚贈典按故事其王初立即封交趾郡王久之進
南平王死則贈侍中南越王上以天祚自紹興丁
巳嗣位今四十年淳熙元年二月又自南平王特封
安南國王故欲厚其禮予請仍贈侍中追封南越國
王詔可之安南爲國蓋曾丞相之失聞奏章行移舊
止稱安南道加封之後浸自尊大文書稱國不復可
改丁酉三月二十四日制授龍翰靜海軍節度觀察
處置等使特進檢校太尉兼御史大夫上柱國安南
國王食邑三千戶食實封壹阡戶仍賜推誠順化功

臣子適當制其云卽樂國以肇封既從世襲極直王而錫命何待次升蓋言不封郡王也交州在唐爲安南都護府本朝太宗時黎氏奪丁璿節度大中祥符二年李公蘊復篡之傳子德政至孫日尊嘗稱帝改元日尊卒乾德嗣卒陽煥嗣卒天祚嗣卒龍翰嗣生數歲矣制云乃眷一邦茲傳七世自公蘊言之也其名曰日曰乾曰陽曰天曰龍皆有僭上之意然表章字如蠅頭幾不可辨玉音每嘉其恭順云

淳熙三年九月二十五日鎖院付下中書門下省熟狀趙伯圭除使相提舉洞霄宮必大奏按故事宗室戚里或前宰執帶節度使多充宮觀使若至使相自領使無疑昨史浩以使相提舉宮觀者誤也恐自此遂以爲例今具士樽錢忱等例皆是以使相充宮觀使在外任便居住者合取旨改正一更四點進入五點上批可依士樽等體例除宮觀使

是年十一月二十二日御封付下參知政事錢良臣辭免監修國史日曆所劄子降詔不允必大因奏自來宰執兼領書局多是內尚書省批出局名旣至朝

廷降勅合行寫正而省吏止奉行內批宰執亦隨勅黃繫銜差誤日久今因答詔輒具言之國史日曆者書名也日所者官司也今大臣合監修日曆却添一所字似監修造作之官又如勅令所從官詳定宰執提舉今却云提舉勅令所此何理也以至國史院會要玉牒皆爲一律合行改正上以爲允其後或是或否復混淆矣

丁酉九月丙辰宣召侍讀史少保浩錫宴澄碧殿抵暮送以金蓮燭宿玉堂直廬上命作詩叙此會史進

古詩三十韻云季秋中澣日淳熙隆四禩朝回攬轡間中使俄傳旨少頃日轉申宣召陪燕喜預令掃玉堂深夜備棲止悚懼跪承命鳴騶亟穿市絳闕聳皇居非煙常靡靡入自東華門熊羆森瓜士詔許乘肩輿安徐無跛倚復古距選德相望幾數里脩廊按雲漢岩崑瓌珠藥中途敞金扉恍若蓬壺裏羣山擁蒼壁四顧環弱水山旣日夕佳水亦湛無滓冰簾映綺疏瓊殿中央峙澄碧耀宸奎龍神爭守視蹈舞上丹墀天威不違咫奉觴祈萬壽時蒙一啓齒餘波丐鼠

腹酒行不知幾徘徊下瑤席緩步煩玉趾從遊至清
激錫坐談名理泉聲韻琴瑟一洗箏笛耳皇云萬機
暇觀書每來此論道及帝王直欲齊其軌堯舜禹湯
文前身無乃是臣言匪獻諛道實由心起既然明是
心要在力行爾登橋酌餘壘飲興未容已金蓮引雙
燭再拜離階祀玉音寵諭臣此會宜有紀歸途感恩
榮占寫忘骹骹上御製俯同其韻云揖遜荷帝堯
寅恭五元禩治道貴清靜聖言有深旨誰歌元首明
自得股肱喜躋民期仁壽距肯中道止力農樂彼田
坐賈安於市歲行閱豐登國論銷委靡予力初何能
濟濟賴多士矧予有元老中立而不倚居東逾三年
不遠來千里未遂赤松遊輟誦青琅藥皓首持六經
日侍明光裏翼乎鴻遇風縱矣魚在水儒行絕瑕疵
道心無塵滓挺挺松栢姿巉巉山岳峙予惟日萬幾
至仁同一視西成錫小宴促坐才尺咫湛露愧歌周
豈酒非封齒歸美見新詩如卿能有幾眷言澄碧行
勝賞得迂趾亦屢引公卿對此談政理虛心欲受人
忠言資逆耳朕瘠天下肥至樂無易此頗念文武疆

六合尚殊軌東都會諸侯宣王昔於是期爾罄嘉謀
 使我勲業起勿以方燕頤所書聊復爾卮酒正須醕
 話言未能已都護萬年觴何當至庭祀文章藉老手
 直筆中興紀載嘉矍鑠翁焉得辭骹骸逮十一月壬
 寅輪當內直申時二刻宣召至清華閣上日學士
 宴見無時最為親近朕和史浩詩待錄示卿可和以
 進此學士職也又云卿想不甚飲比賜宴時見卿面
 赤却至誠不辭既退中使李肅傳旨賜詩本并戊戌
 小春茶二十銖葉世英墨五團以代賜酒世英御前

墨工也恭進和篇云粵從三代還歲月過千禩時豈

無賢君道未契宸旨

陛下屢語臣三代而
下人若皆不知道

煌煌唐太

宗勲業在所喜寇攘既掃除蠻貊畢至止循良布郡
 邑惠政寬獄市忠賢儼班聯切諫柅浮靡關輔羅府
 兵巖穴聘奇士民生覆孟安國勢泰山倚皇心期過
 之風下九萬里忠厚培本根文物粲華藻淳熙正觀
 間何啻相表裏屬車尚濤江列障隔淮水蠢茲獯鬻
 氏作我太清滓坐令營屯衆久費糗糧峙中原厭狼
 貪諸將空虎視安得貫柝楛來貢尺有咫六合混一

家耕桑盛生齒願言講治道先務當有幾欲仁斯仁
至患在未舉趾而况前史中遺事可尋理衛英爪與
牙王魏目兼耳處中賴房杜虛受忘彼此不聞國異
政但見車同軌孰云古道難僉曰今王是寸陰聖所
競盛德日方起舞于格三苗其効七旬爾軻稱仁無
敵傳謂禮可已東鞮及北女看卽朝玉牒南山竹易
殫陛下功難紀儒館謾獻歌將奈詞之骸是日奏事
畢問陛下命臨安府開文海有諸上曰然奏云文
選之後有文粹已遠不及所謂文海乃近時江鈿編

類殊無倫理書坊刊行可也今降旨校正刻板事體
則重恐難傳後莫若委館閣官銓擇本朝文章成一
代之書上大以爲然曰卿可理會奏乞委館職
上曰待差一兩員其後遂付呂伯共祖謙旣成上
問何以爲名必大乞賜名皇朝文鑑上曰善又降
旨令必大作序亦旣進呈將刊版會有近臣密啓云
所載臣僚章疏毀及祖宗政事遂不果刻今其書
士大夫或傳之

淳熙五年閏六月十二日鎖院付到熟狀皇子魏王

自荆南集慶軍節度使開府儀同三司行江陵尹判明州改成德彰信軍節度使行荆州牧必大奏彰信是曹州 徽宗曾為節度使即位後升興仁府又親王帶牧合隨本鎮今成德軍即真定府却帶荆州牧非是 上批別擬大鎮進入選點更具本鎮帶牧故事來必大又奏去夏魏王除荆南節度使江陵尹誤犯端拱中 真宗除授昔改和中也失檢點今因改鎮不敢不審兼兩鎮合帶兩牧仍隨本鎮併於實錄中檢故事以進夏夜甚短奏入已三鼓至四鼓未批

出只於兩鎮上就本鎮止帶一牧必大遂擬永興成

德軍節度使雍州牧進入頃之點定然後進草禁中

未就寢以待

禁中四鼓乃在外三更

故事食邑千戶以上封侯若拜相雖舊爵卑食已少亦徑封侯蓋五等伯子男用縣名至侯則升郡當降旨時未知所封何郡第云進封開國侯而已秦丞相薨後初拜沈守約該左相万侯元忠尚右相沈爵歸安縣万侯陽武縣各從其鄉也既相合升郡侯而學士院遂進沈為歸安郡万侯陽武郡初非郡名其誤

甚矣當時偶不知改久之因進書轉官方能釐正至
今遇恩升郡臣僚院吏及吏部尚復差舛謂如元係
吳興縣開國伯則合云進封吳興郡開國伯却云吳
興郡進封開國侯殊無義理予每爲正之
北門掌內制西掖掌外制是謂兩制又著令自觀文
殿大學士至敷文閣待制爲侍從官朝廷或詔近臣
舉賢議事多云兩省諫議大夫以上尚書省侍郎以
上而別言御史中丞學士待制乃爲詳備近世相承
通稱侍從固已疑混若泛言兩制則非矣

紹興二十四年春直學士院湯公思退以禮部侍郎
同知貢舉時百官多闕大抵一人兼數職凡進士出
身皆入試闈獨畱監察御史王公綸蓋備坼號也內
制旣闕官遂降旨暫權適草劉婉儀進位貴妃制
太上稱其有典詰體潤筆殆萬緡賜視尤奇秦丞相
不樂遭論列而去秦薨召還掌內外制知樞密院事
垂相而病除大資政畱守金陵卽其鄉也未第時兄
弟就食府庠至是人以爲榮尋卒官予嘗草其致仕
制云少則歌鹿鳴而薦于鄉老則釋麟符而居其里

考昔人而或有在近歲以幾希贈官制云古所謂鄉先生者沒則祭于社而後世良二千石民亦奉嘗之爾於二者蓋兼之皆紀實也

故事正除六曹侍郎及雜學士以上遇辭免皆降詔

不允給舍并權侍郎則否紹興二十七年六月戶部

王侍郎師心辭給事中亦降不允詔書蓋舊官合答

詔也是歲九月權禮部賀侍郎允中除給事中辭免

亦降詔乃誤襲王例非故事也三十年正月權工部

王侍郎晞亮遷夕拜不復降詔得之矣明年九月權

禮部金侍郎安節亦遷夕拜又誤降詔自後往往無

定論院官隨事申明改正為善

玉堂雜記卷中終

玉堂雜記

玉堂雜記卷下
詔報見於金坡遺事元豐三年八月丙申亦詔於尚
書省樞密院用詔報至今守之其制首題學士院諮
報尚書省或中書門下樞密院次入詞云云末云右
謹具詔報某省伏候裁旨後題年月學士押字雖中
間權臣用事官失其職獨此不廢又三省密院於百
司例用劄付惟學士院云劄送他官司得省劄必前
連片紙書所受月日乃敢押字惟學士院徑判押其
首又吏魁有錄事曹案曰房皆稍擬中書尊內庭也

祖宗時內制多避兩府親嫌亦有不許避者蘇文忠公之於弟文定公是也然終不自安乞郡而去紹興初范元良冲除學士以趙丞相鼎姻家特復置侍讀學士以處之及秦丞相檜當國兄梓實爲學士子燧繼爲學士承旨亦嘗爲禮部侍郎雖並緣元祐故事其實非也

國初久爲學士官至八座已罷職或再來直院神宗改官制後中丞并權六曹尚書若兼內制亦止云直學士院舒直等是也 中興初詹文已爲龍圖閣

學士猶曰權直院其他如正侍郎已下多帶兼權汪藻等是也厥後程克俊林待聘楊愿等初以給舍兼權稍久乃落權字以爲恩數至正尚書則帶兼權學士胡交修等是也乾道三年洪景盧邁奏請自庶官遷侍從便落權字正兼直院故先以起居郎權直院既遷中書舍人卽落權字庚寅秋予以少蓬兼權直院明年正除權禮部侍郎吏引近制申明合正爲直院予固抑之兼權如故翰長王日嚴嚴亦不復問其後王季海淮以太常少卿兼權直院既除三字卽徑

落權遂爲定例淳熙五年十二月必大自翰林遷禮部尚書兼學士蓋上所兼之官在正官下者皆不帶權非舊例也六年十一月遷吏書又升兼學士丞相且有內批付院云天官事繁今後非特旨撰述其餘並免

上自登極至今將二十年正除翰苑纔七八人皆登二府惟王日嚴以年踰七十除端明殿學士而去

乾道癸巳會丞相懷鄭參政聞張樞密說在二府或薦新政官正字崔大雅興詩入內庭以其資淺乃創

翰林權直之名月俸減學士直院三之一

自學士承旨至庶官

兼權直院者俸給一等

院中餐錢不減明年冬以父憂去尋丁

母憂戊戌秋服闋復召爲密院編修官史丞相清當

國下史院訂論兼職名稱遂改爲學士院權直蓋以

翰林乃內諸司總名難專指學士院也

淳熙己亥明堂大禮崔大雅已遷著作權直如故糧

料院止隨其官幫支賜二十疋兩大雅以狀申祕書

省省申朝廷趙丞相雄將上取旨遂用月俸例支學

士三之二 祖宗試文多在學士院近歲惟試館職

耳既得省劄召某人試即下太史局擇日報內侍省
 差官一員克監門前一日學士宿院進策題候內批
 依次早乃引試支左藏庫錢三十緡克餐錢試畢錄
 策題并試卷依紹興三十年司諫何通遠溥以為言
 太上欲復故事而人頗憚試首召朱熹載等次召劉
 儀鳳等皆辭不就 太上諭湯丞相思遠等擇二人
 必令試且云蘇軾中制科猶試况餘人乎於是以予
 及同年程泰之大昌應詔具宣 上旨乃不敢辭已
 而 太上欲除校書郎或謂過江選人無此例止除

正字乾道六年九月子以秘書少監寓直翰苑發策

試王仲衡希呂嘗賦詩寄程同年云當年給札踏金

鑾重到依然九月寒學士策詢學士策館職亦合祕

書官試秘書官自憐綠鬢非前度尚喜青衫總一般

時予服綠寄語浙東程閣老程時為浙東提刑兼權帥事亦嘗暫直翰苑莫矜

紅旆笑儒酸程答詩末句云有底滑稽堪羨處金蓮

燭底話窮酸始予庚辰九月與程同試兩人名皆有

大字明年試蔣芾芮燁姓名俱連草頭又明年試王

東里程千里名連里字頻歲偶爾亦可書也按祖

宗朝館職者指招文集賢史館之職也在內多升修
注出外則爲帶職凡轉官奏補恩數皆厚故艱其選
必試而後除亦以限止無能之人自神宗罷館職
止是祕書省官與其他職事官無當不當尚循館職
之名况狀元不試餘人多徑除著作丞郎所試者校
書正字而已舊制云試前一日學士宿院故元祐中
蘇文忠公與鄧文惠公溫伯各進策題禁中點用文
忠所作及予與程同試時學士洪景嚴兵部尚書兼
權學士楊元老椿亦並入至是予與鄭仲益同直鄭
爲長官典故浸移乃始輸入不敢強之其後予再直
丙申二月召試許蒼舒遂修故事約程元成叔達並
入策題則輪換

隆興初 上用 真宗故事輪講筵學士院官直宿
禁林每夕兩員以備宣引咨訪往往賜酒留款其後
以兩人難獨召若同召則議論難盡止命一員遞宿
自後益濫其選或國忌妨行香若有故員少及大暑
皆權免間遇除授宣鎖講筵官已入直率聞命蒼皇
而出至有不及伺候從吏借馬於內諸司者或偶值

本院官直宿就畱鎖院若大除拜當有錫賜則不繫
當日與否往往特宣云

每直兩日謂之頭直未直

紹興辛巳明堂禮成以元顏亮背盟十月四日詔今
次明堂大禮合加恩臣僚權宜不鎖院不宣麻止降
制給告並免辭免候事定日依舊隆興二年邊事改
卜郊乾道二年冬雷罷二相皆未暇舉行乾道六年
必大始奏復舊制

內制名色不一保值時或未詳其體式故凡詞頭之
卜者院吏必以片紙錄舊作於前謂之屏風兒子嘗

跋王岐公蘇文定公詔草及謝表備言之至今不廢

蓋其來久矣國初陶穀謂一生依本畫葫蘆殆謂是

耶

凡鎖院或親被旨或受熟狀本院即關閣門今月某
日有鎖院事閣門得之即關報御史臺集文臣職事
官承務郎釐務官通直郎已上明日赴文德殿聽麻
宰相樞密皆不往惟輪參知政事一員押麻麻卷自
內出閣門啓御封兩吏對展宣贊舍人南面搢笏又
手大聲擿首尾詞及階位姓名下數句并所除之官

而讀之不盡宣也聽訖知閣門官以授參政參政付
中書吏百官不拜而退若大詔令及冊后之類則宰
執文武百僚俱入文亦盡讀拜舞然後退
禁中以鎖院爲重淳熙三年慶壽赦凡降麻官合
加恩者用辛巳明堂例免鎖院宣制仍勿辭免九月
三日中書進熟狀魏王愷恩平郡王璩未陽郡王居
廣並加食邑食實封只乞降付院草制內夫人失於
詳閱宣鎖程直院是夜進草明日告廷如式又明日
內批付密院典字直筆吳慶慶降充紫霞帔不令供

職主管大內公事慶國淑懿夫人劉從信降兩字夫
人蓋懲其誤也

凡非時宣召院官侍從已下及外官而內引者同紫窄衫絲絢行入

殿廊有小黃門來導至便坐上服紅半臂忌前黃

門贊拜揖升殿奏對訖上曰且坐先已設小兀子

得旨則側身虛揖而坐將退黃門贊云宣坐賜茶於

是中官進御前者忠佐授臣僚者賜酒亦然所用杯

不同侑以果實一釘其器分大小若二府則黃門雙

導上亦服窄衫宰相樞使坐高兀子執政紫圍坐

而低賜茶酒亦如之或曲宴則酒五行亦或加多每
杯賜食初無定制

中興後凡除拜節鉞以上多由中書進熟狀院吏云
鎖中左者文臣也右選者武臣也逐房臨時呼院吏
取索是以知之惟草后妃太子宰相麻則不容知快
行數十輩來宣召云鎖小殿子既至便殿上服帽
帶諭以除授之意御前列金器如硯匣壓尺筆格糊
板水滴之屬幾二百兩既書除目隨以賜之隆興初
猶用此例乾道以後止設常筆硯而已退則有旨打
造不及例賜牌子金百兩立后升儲倍之

凡除拜加恩官在都下者既宣麻而院吏私錄本走
報希覬贖遺初無公移也而被受之官辭免者多云
準學士院報麻除授云云此非典故不應相承以為
例

獎諭臣僚或降詔或勅書院中自有定式近歲如大
理獄空及監司守臣有勞績若是庶僚皆合降勅書
三省樞密院往往誤批降詔院吏隨所得旨而行不
敢正也

王堂雜記
翰苑印以翰林院學士印六字爲文昔鑄景德二年
少傅監鑄上兩字微刻自南渡京百司印無如此久
者尚書六曹惟禮部印是舊物然亦元豐改官制後
所鑄蓋文書稍簡故不刻耳

紹興辛巳五月詔學士院權寓皇城司而以院爲
欽宗几筵殿終制復舊

學士院舊號北門今在行宮和寧門內蓋沿北門之
制地迫皇城極爲窄隘汪尚書應辰兼權學士時
上屢令增葺竟以無地步而輟廳後卽堂緣近歲院

官止二員故分東西兩閣中有小龜頭榜曰摛文堂
蓋在京徽宗因廣直廬御書以賜強承旨淵明今
乃汪彥章內翰藻所篆太上又嘗書玉堂二字賜
學士周茂振鱗之刻石廳上

東閣窻下甃小池久無雨則涸傍植金沙月桂之屬
又有海棠郁李玉繡毬各一株西偏植金橘逼城根
株不能大花開時香滿院結實雖小而甘浙中未易
得也淳熙己亥夏侍講兵部尚書兼給事中王仲衍
入直示兩絕句云玉堂晝未暑風微簌簌飛花落小

池徙倚幽欄憑問訊夏鶯飛出萬年枝小池倒影弄
 餘輝照耀虛簷極出奇木杪不鳴風力軟闖萍翻藻
 有魚嬉予次韻云東省南宮切太微夔龍行集鳳皇
 池更哦殿閣薰風句坐覺微涼生桂枝紫禁同依日
 月輝蒼顏獨愧羽毛奇水如明鏡雖堪俯笑汝星星
 誰肯嬉予嘗發策試仲衡至是同為八座俱在講筵
 唱酬頗多是時詩及院中景物故記於此

朝殿日皇太子宰相親王使相參政各有朱衣史二
 人自下馬處前導至殿門

樞密使恩數依宰相者同
 若知院及副樞簽書則紫

此外惟翰林學士有之又禁門內許以茶籩檐子
 自隨與執政等

車駕將出孟享或過官則應奉官及侍從以上朝于
 後殿宰執有奏事侍從先退例過玉堂少憇若值冬
 至元正則團拜堂上俟駕過就院門外上馬以從南
 渡以來朝臣遇節序賜予多權停今經筵寒食重午
 冬至尚賜節料錢酒其他侍從則三大節客省簽賜
 羊酒米麪而學士院官若侍從以上兼領自從本官
 或庶僚權直院獨三伏賜冰一檐時采五品品纔一

三
標亦因與經筵官輪宿而得之

書局自有中官承受凡遇時節例賜茶酒

學士院無承受故也

淳熙乙未初伏必大以待制侍講賜流香

酒四斗

後二年減半

時果七楪冰一檐視庶官直院為稍

增以短表謝支快行家食錢三千文折酒錢三百別

賜冰一檐

翰林司關子云限日下支不許次日

支食錢一千蓋侍從所

待者

十月旦賜錦襖子學士院觀察使簇四金鵬尚書執政入搭暈錦宰相使臣天下樂例從左帑幫支得不以時臨期隨品色假為領袖施之朝服三日而止識

者非之予自翰苑遷八座已亥十月值從駕恭謝景

靈宮兵部尚書王仲衡未達朝儀弟用市錦予告之

故計無所出予輟所服與之而馳取舊金鵬者自用

暨追班閣門吏魁趙軫與其徒顧予諄語予悟其意

呼而告以雖班尚書猶兼翰林學士故可捨高從卑

軫等愧謝而退

渡江後每遇開講罷講臨安治具侍講讀修注官紹

興三十二年冬予為左史趙清卿子瀟知臨安初獻

議盡罷百司饋送及所供飲饌時洪景嚴以內翰兼

侍讀開講日學士院自置酒五行是後遂爲例乾道六年予與鄭仲益兼直院鄭兼侍講是秋開講鄭主席謂予亦院官當與其事予但簽書招客之日而不兼講讀不赴坐時胡邦衡銓以工侍兼侍講坐中賦覃字韻詩見及予次其韻有云寓直敢同東道主蓋謂是也

翰林學士初上舊制勅設甚盛中興後不復舉行予直院時除王日嚴爲學士院中支餐錢具五杯而巳

故事大宴未再坐間學士院嘗爲館閣官具食蓋祖宗時內外制官無不自三館出館中之人往往前日僚友之舊道義之交不專以勢利高下爲心故每於是日小集從容談笑也近時具食雖如故乃設於學士院門幕次內蓋未嘗見玉堂主人也竊意前輩不爾淳化中太宗以飛白玉堂等四字賜翰林而學士承旨蘇易簡會兩制於玉堂直秘閣潘謹脩與焉畧可見也巳上乃近世程致道俱麟臺故事所記乾道七年天申節貢院賜齋筵予時以少蓬兼內直

乃督院吏治具吏白厨庫乏錢兼近已不講予曰故事既難廢况予身貳秘書而罷此禮乎命如故例然不過盤餐之類爾

必大久在翰苑獨員之日常多率數月輒丐去上必批降詔不允院吏申省乞時暫差官撰述乃委中書舍人如此再三遂爲定例徑封奏劄付中書後省數年來上數令薦詞臣爲代明示大用意必大每退避戊戌九月丁丑御藥院傳旨問近例院官有無三員者吏具上初政承旨洪遵學士史浩直院劉

琪又問紹興間故事吏復具八年曾開勾龍如淵皆爲直院而召孫近承旨三十一年何溥爲學士虞允文劉琪並直院後旬餘崔大雅服闋還朝上曰卿來適其時遂再兼權直十月復增莫子齊濟尋卒其後繼增趙大本彥中熊子復克予遂參預

朝佐頃者官桂陽獲觀今丞相周公鑿坡錄愛而博之茲如武林又得其玉堂雜記益聞所未聞益中興以來九重之德美前輩之典刑恩數之異同典故之沿革皆因事而見之此尤不可不傳也乃

手抄一通藏於家竊聞公在翰苑時知無不言朝廷有大命令人所不敢議者公從容敷奏皆當上意凡所以障隄狂瀾護養元氣者豈止一事而公不書何其謙也然盛德偉烈表表在人耳目公雖不書其能使之弗傳哉紹熙元年重五日樵溪丁

朝佐謹書

丞相益公玉堂雜記一編森得之久矢字畫間有舛誤每苦其難讀近訪丁懷忠觀十泉書藏懷忠不知森有此書出以相示森曰明月夜光天下之

所同寶也子獨能私有之乎亟假其本而參訂之

因系歲月于後紹熙辛亥仲春一日眉山蘇森謹

題

玉堂雜記卷下終

卷下

十月

因系遠良于外... 沔同寶也子... 沔同寶也子... 沔同寶也子...

揮塵錄卷上

宋 楊萬里編 張遜辰校閱

唐明皇實錄云開元十七年秋八月上降誕之曰大
置酒會樂燕百僚於花萼樓丁尚書左丞相源乾曜
右丞相張說率百官上表願以八月五日為千秋節
著之甲令布於天下羣臣燕樂休假三日下詔從之
誕日建節蓋肇于此天寶七載八月己亥詔改為天
長節其後肅宗以九月三日生為地平天成節史不
書日文宗以十月十日生為慶成節武宗六月十二

日生為慶陽節懿宗十月二日生為延慶節僖宗八月五日
 生為應天節昭宗二月二十二日生為嘉會節哀帝十月三日
 生為延和節梁太祖十月二十一日生為大明節末帝九月十二日
 生為明聖節後唐明宗九月九日生為應聖節晉高祖二月二十八日
 生為天和節出帝六月二十七日生為啓聖節後漢高祖二月四日
 生為聖壽節隱帝三月七日生為嘉慶節周太祖七月二十八日
 生為永壽節世宗九月二十四日生為天清節恭帝八月四日生為天壽節

本朝 太祖二月十六日生為長春節太宗十月七日
 生為乾明節後改為壽寧節真宗十二月二日生為承天節
 仁宗四月十四日生為乾元節英宗正月三日生為壽聖節
 神宗四月十日生為同天節哲宗十二月七日生
 避僖祖忌辰以次日為興龍節徽宗十月十日生為天寧節
 欽宗四月十三日為乾龍節太上皇五月二十一日生為天申節
 今上十月二十一日生為會慶節而章獻明肅皇后正月八日生為
 長寧節宣仁聖烈皇后七月十六日生為坤成節以

嘗臨朝故耳。五代諸君節名不見於正史，以鄭向開皇紀考得之。唐代宗十月十三日天興節，見令狐綯文集中。唐順宗聖壽節，見於齊抗會稽捨宅爲寺碑。後唐清泰帝千春節，見於五代史。晉家人傳皆亡其日。近董令升作誕聖錄，不如是之詳也。

祖宗神御像設在南京，則鴻慶宮。西京則奉先寺之興先會先會聖宮之降真殿。揚州曰彰武。滁州曰端命。河東曰統平。鳳翔曰上清。太平宮及真宗親征北郊，封泰山。祀汾陰，則有澶淵之信武。嵩山崇福之

保祥。華陰雲臺之集乾。德六年，卽都城之南安陵之舊城，建奉先資福院爲慶基殿，以奉宣祖。藝祖則太平興國之開先。太宗則啓聖之永隆。至大中祥符中，建景靈宮天興殿，以奉聖祖。其後真宗之奉真。仁宗之孝嚴。英宗之英德，皆在其側也。又有慈孝之崇真。萬壽之延聖。崇先之永崇。以奉真宗母后章獻明肅。在崇真之傍。曰章德。章懿在奉先之後。曰廣孝。章惠在延聖之後。曰廣愛。在普安者。二元德。曰隆福。明德。章穆曰重徽。元豐中，神宗以獻饗先後

失序地偏且遠有曠世不及親祠者廼詔有司神御
之在京師寓於佛祠者皆廢徹而遷之禁中由英德
而上五世合爲一宮凡十一殿以世次列東西序帝
殿一門列戟七十二殿之西廡繪畫容衛公王名將
羅立左右內有燕寢溫清之室玩好畢陳而母后居
其北改慶基曰天元后曰太始開先曰皇武后曰儷
極永極曰太定后曰輝德奉真曰熙文后曰衍慶孝
嚴曰美成后曰繼仁英德曰治隆其便殿十一日來
寧曰燕娛曰雲遊曰凝神曰天遊曰冷風曰太靈曰
丹臺曰靈崑曰昭清以五年十一月奉安帝后塑像
於新宮大赦天下繪像侍臣于後元祐初卽治隆之
後宣光殿以奉神宗紹聖初闢宮之東偶爲顯承
殿以宣光殿故址爲徽音殿以奉宣仁聖烈建中
靖國元年詔以顯承介於一偏廟號未稱於是度馳
道之西東直大定南北廣袤地勢併撤府寺創爲西
宮建大明殿以奉神宗爲館御之首涓曰遷奉親
祠爲不祧之廟以示推崇之意曲赦四畿錄功臣後
如元豐故事云

南京應天寺本後唐夾馬營大中祥符二年以祖誕聖之地建寺錫名東京啓聖院本晉護聖營以太宗誕聖之地太平興國六年建寺雍熙二年寺成賜名二寺皆奉祖宗神御英宗以齊州防禦使入繼大統治平二年建齊州爲興德軍熙寧八年八月詔潛邸爲佛寺以本鎮封之賜名興德禪院仍給淤田三千頃

太祖嘗詔重修先代帝王祠廟每廟湏及百五十間以上委逐州長吏躬親點檢索圖赴闕遣使覆驗令太常禮院重定配享功臣檢討儀相畫樣給付女婿祠在晉州書傳無功臣可配太昊以金提勾芒配祠在陳州炎帝以祝融配祠在衡州黃帝以后土風后力牧配祠在坊州高陽以玄冥配祠在澶州高辛以稷配祠在宋州唐堯以司徒高配祠在鄆州虞舜以繇配祠在道州夏禹以伯益配祠在越州商帝以成湯以伊尹配祠在河中府中宗太戊以伊陟臣扈配祠在大名府高宗帝武丁以甘盤傳說配祠在陳州周文王以師鬻熊配武王以召公配成王以周公旦

唐叔升虞叔配康王以太公畢公配秦始皇帝以李
斯蒙恬王翦配漢高祖以蕭何配文帝以周勃陳平
劉章宋昌配景帝以周亞夫竇嬰申屠嘉晁錯配武
帝以公孫弘霍去病衛青金日磾霍光配宣帝以丙
吉魏相張安世配以上十帝並祀祠在長安後漢世
祖以鄧禹吳漢耿弇賈復配明帝以東平王蒼栢榮
配章帝以牟融趙意宋安配以土三廟並在河南府
魏武帝以鍾繇荀攸程昱配廟在相州文帝以賈詡
王朗曹真辛毗配晉武帝以羊祜張華王濬杜預配
二廟在河南府後魏孝文帝以王祥魯肅長孫晟配
後周文帝以宇文憲蘇綽燕公于謹盧辨配二廟在
耀州隋高祖以牛弘高穎賀若弼配廟在鳳翔府唐
高祖以河間王孝恭殷開山劉政會淮南王神通配
廟在耀州太宗以長孫無忌房玄齡杜如晦魏徵李
靖配廟在京兆府明皇以張說郭元振王琚配廟在
河中府肅宗以苗晉卿裴冕配廟在京兆府憲宗以
裴度杜佑李愬配廟在同州宣宗以夏侯孜向敏中
馬植配廟在耀州朱梁太祖以劉鄩敬翔葛從周袁

象先配後唐莊宗以郭崇輔李嗣招符存審配明宗以霍彥威安重進任圜配石晉高祖以桑維翰趙瑩配以上並在河南府皆著之儀制是時吳蜀未平六廟帝朝闕而不載本朝曹武惠配享太宗武穆配享仁宗韓忠獻配享英宗文定配享徽宗父子配享自昔所無也

李和文遺事云仁宗嘗服美玉帶侍臣皆注目上還宮問內侍曰侍臣目帶不已何耶對曰未嘗見此奇異者上曰當以遺虜主左右皆曰此天下至寶

賜外夷可惜上曰中國以人安爲寶此何足惜臣下皆呼萬歲

李和文遺事又云其家書畫最富有吳道子天王胡瓌下程圖唐淨心須菩提黃居寀竹鶴孫知微虎翰幹旱竹圃梅鷄傳古龍江南畫佛唐希雅竹李成山水唐畫公子出獵圖黃居寀家雕狐圖黃筌雨中牡丹李思訓設色山水周昉按舞折枝杏花徐崇嗣沒骨芍藥江南草虫獨幅山水黃筌金盆鶉鴒大窠山茶書有懷仁真迹集右軍聖教序貞觀蘭亭詩叙右軍

山陰帖樂毅論顏魯公書劉大冲序皆冠世之寶

熙寧八年四月岐王顥嘉王頴言蒙遣中使賜臣方團玉帶各一條准閣門告報著爲朝儀臣等乞寶藏于家不敢服用上命工琢玉帶以賜二王固辭聽請加佩金魚以別嫌詔并以玉魚賜之玉帶爲朝儀始于此

北齊顯祖高洋晉陽公李元忠南齊竟陵王蕭子良隋長孫覽俱謚文宣孔子蓋出四謚之後大中祥符元年始加玄聖二字後以避聖祖諱易爲至聖熙寧

中欲加謚至神元聖帝禮官李邦直以謂夫子周臣也周室諸君止稱王執以爲不可卒從其議

元魏獻欲置學官上郡國高允表請制大郡立博士二人助教四人學生一百人次郡立博士二人助教二人學生八十人中郡立博士一人助教二人學生六十人下郡立博士一人助教一人學生四十人其博士取博開經典履行忠清堪爲人師者年限四十以上助教亦與博士同年限四十以上若道業夙成才任教授不拘年齒學生取郡中清秀人行循謹堪

東循名教者先盡次及中等。帝從。郡國立學自此始。事載。元本傳。本朝高承纂事物。原自謂博極而不取此何耶。

唐高宗改門下省爲東臺。中書省爲西臺。尚書省爲文昌臺。故御史臺呼爲南臺。趙麟因話錄云。麟又曰。武后朝御史有左右肅政之號。當時亦謂之左臺右臺。則憲臺未曾有東臺西臺之稱。嘗記張鷟朝野僉載對天后爲戲語云。左臺胡御史。右臺御史胡是也。本朝李建中爲分司。西京留司御史。世以西臺目之。

唐李栖筠爲御史大夫。不樂者呼爲栖臺。蓋斥其名也。太祖以歸德軍節度使創業。後升宋州爲應天府。太宗以晉王卽位。升并州爲太原府。真宗以壽王建儲。升壽州爲壽春府。仁宗以昇王建儲。升建業爲江寧府。英宗以齊州防禦使入繼。以齊州爲興德軍。神宗自穎王升儲。以汝陰爲順昌府。哲宗自延安郡王升儲。爲延安府。徽宗以端王卽位。升端州爲肇慶府。欽宗自定王建儲。前已升中山府。太上以康王中興。升康州爲德慶府。今上

自建王建儲升建州爲建寧府宣和元年六月邢州民董世多進狀以英宗嘗爲鉅鹿郡公又知岳州孫總建言英宗嘗爲岳州防禦使詔加封論時邢州已升安國軍遂詔邢州爲信德府岳州爲岳陽軍是歲十月又詔以列聖潛邸所領他再加討論以真宗嘗爲襄王升襄州爲襄陽府仁宗嘗爲慶國公以慶州爲慶陽府英宗嘗爲刺史以宜州爲慶遠軍神宗嘗爲安州觀察使以安州爲德安府又爲光國公以光州爲光山軍哲宗嘗爲天平軍節

度使以鄆州爲東平府又爲均國公以均州爲武當軍徽宗嘗爲寧國公以寧州爲興寧軍其後又以徽宗嘗爲平江軍節度使並陞爲府太宗嘗爲睦州防禦使睦州爲遂安軍

國朝承五代搶攘之後三館有書僅一萬二千卷乾德以後平諸國所得浸廣太宗鄉儒學下訪搜訪民間以開元四部爲目館中所闕及三百以上卷者與一子出身端拱元年分三館之書別爲書庫目曰

秘閣

真宗咸平三年詔中外臣庶家有收得三館所少書籍每納一卷及千卷判館看詳委是所少書數及卷帙別無差誤方許收納其所進書及三百卷以上量材試問與出身又令三館寫四部書一本一置禁中龍圖閣一置後苑之太清樓以便觀覽八年榮王宮火延燔三館焚蕪殆遍於是出禁中本就節閣傳寫且命儒臣編類讐校校勘校理之官始於此也嘉祐五年又詔中外士庶許上所關書每一卷支絹一疋及五百卷特與文資元豐中建秘書省三館併歸省

中書亦隨從元祐中重寫御前書籍又置校對黃本以館職資淺者爲之又置重修晉書局不久皆罷去宣和初蔡攸初舉秘書省建言置補完御前書籍所再訪天下異書以資校對以待臣十人爲參詳官館爲校勘又以進士白衣充檢閱者數人及年皆命以官未畢而國家多故靖康之變諸書志不存太上警蹕南渡屢下搜訪之詔獻書補官者凡數人秦熿提舉秘書省奏請命天下專委守臣又有旨錄會稽陸氏所藏書上之今中秘所藏之書亦良備矣承平

時士大夫家如南都戚氏歷陽沈氏廬山李氏九江
陳氏番陽吳氏俱有藏書之名今皆散逸近年所至
羣府多刊文籍且易得本傳錄仕官稍顯者家必有
書數千卷然後失於讐校也吳明可帥會稽百廢具
舉獨不傳書萬里嘗啓其故云此事當官極易但僕
既簿書期會賓客應接無暇自校子弟又方令爲程
文不欲以此散其功委之他人孰肯盡心漫盈箱篋
以誤後人不若已也

紹興初 昭慈聖獻皇后升遐外祖曾公公卷以江

東漕兼攝二浙應辨用元符末京西漕陳向故事
朝論欲建山陵外祖議以爲 帝后陵寢今存伊洛
不日復中原卽歸附矣宜以攢宮爲名僉以爲當遂
用之紹興戊午 徽宗梓宮南歸有日丞相秦檜當
相請以求固爲陵名先人建言北齊叱奴皇后實名
矣不可犯且叱奴夷狄也尤當避秦大怒幾陷不測
後數年卒易曰永祐近見邵博公濟所著小說詆先
君此議然後知當時沮此議者卽此人也
國朝百官致仕庶僚守本官侍從轉一官宰執換東

官官熙寧初歐陽文忠公始以太子少師帶觀文殿
學士致仕示特恩也放謝表云道愧師儒乃忝春宮
之峻秩身居猷畝猶書玉殿之隆名自是以爲例
國朝侍從以上自有寄祿官如左右正言二史給諫
吏禮部郎中之類是也若庶僚曾經飾擢至於雜流
甄叙志皆有別一見刺字便知涇渭元豐官制旣行
混而爲一故王荆公有流品不分之語舊年如侍從
致仕轉官遣表贈四官皆合其合遷官上加之今則
加官至陞朝則轉贈僅正員郎而已

清傳正在翰林自入對 神宗曰學士職清地近非
他官比而官儀未寵自今宜加佩魚遂著爲令見于
神宗實錄東坡謝翰林表云玉堂賜篆仰淳化之彌
文寶帶重金佩元豐之新渥中書舍人繫紅鞵犀帶
自葉少蘊始舊假服色不 崇寧末王照尚書詳
定勅令啓請許之自是爲例仍許入銜二字具載詔
書其後以除勅中不載多不署魚袋二字

文寶帶重金。刷天豐之祿。中書舍人。魏瓘。躡承。帶
輒宗實。給東。其。檄。餽。林。表。云。王。堂。與。蔡。林。等。之。際
斷。官。出。而。官。難。未。謂。自。今。宜。賦。賦。應。發。等。語。令。其。干
萬。計。五。五。餽。林。日。人。構。輒。宗。曰。學。士。知。其。故。也。其

揮塵錄卷下

祖宗朝最重先代陵寢。每下詔申樵採之禁。至于再
二守冢戶。逐處長吏及本縣令佐。常切檢校。罷任具
有無廢闕。書于曆子。太昊葬宛丘。在陳州。炎帝葬長
沙。在潭州。黃帝葬橋山。在上郡。今坊州界。高陽葬臨
河縣。故城東。高辛葬濮陽頓丘。城南臺陰城。唐堯葬
城陽穀林。今鄆州界。舜葬零陵郡九疑。今永州界。女
媧葬華州界。夏禹葬會稽山。今越州會稽縣。商湯葬
寶鼎縣。周文王武王並葬京兆府咸陽縣界。漢高祖

葬長陵在耀州安北後漢世祖葬原陵在洛陽縣界
唐高祖葬獻陵在耀州三原縣東太宗葬昭陵在醴
泉縣北九墩山以上十六帝各置守陵五戶每歲春
秋祀以大牢御書名祝板諸處舊有祠廟者亦別祭
饗商中宗帝太戊葬內黃縣東南陽武丁葬西華縣
北周成王康王皆葬畢在咸陽縣界漢文帝葬霸陵
在長安東南宣帝葬杜陵在長安南魏武帝葬高陵
在鄴縣西晉武帝葬峻陽陵在洛陽後周太祖文帝
葬成陵在耀州富平縣隋高祖文帝葬太陵在武功
縣以上十帝置三戶歲一饗以大牢秦始皇帝葬昭
應縣漢惠帝葬安陵景帝葬陽陵在長安東北武帝
葬茂陵在長安西後漢明帝葬顯節陵章帝葬敬陵
並在洛陽東南魏文帝葬首陽陵在偃師縣後魏孝
文帝葬永寧陵在富平縣唐明皇泰陵憲宗景陵俱
在奉天縣肅宗建陵葬醴泉縣宣宗正陵在雲泉縣
朱梁太祖葬興極陵在伊門宗葬伊陵在
新安縣明宗葬徽陵在洛陽東北石宋高祖葬顯陵
壽安縣以上十五帝各置守陵兩戶三年一祭以大

牢。凡祭祀使令長史行禮所用大牢以羊代之。陵戶並以陵近小戶克除一稅外免諸雜差徭。周桓王葬澠泄縣東北。靈王葬河南縣五亭西周山上。景王葬洛陽縣中西北隅。有漢元帝葬渭陵。在長安縣。成帝葬延陵。在咸陽縣。哀帝葬義陵。在扶風。平帝在康陵。在長安北。後漢武帝葬漢陵。塋中庚地。安帝葬泰陵。在長安西北。順帝葬順陵。冲帝葬懷陵。並在洛陽西。質帝葬靜陵。桓帝葬宣陵。並在洛陽東。靈帝葬文陵。在洛陽西北。獻帝葬禪陵。在渭城北。魏明帝葬高平陵。在河清縣。高貴鄉公葬洛陽瀍澗之濱。陳留王葬王原陵。在鄴西。晉惠帝葬太陽陵。在洛陽。魏文帝葬富平縣東南。魏孝靜帝葬鄴縣。唐高宗乾陵。睿宗橋陵。穆宗光陵。僖宗靖陵。並葬奉天縣西。中宗定陵。代宗元陵。順宗豐陵。文宗章陵。懿宗簡陵。並葬富平縣。德宗崇陵。敬宗莊陵。武宗端陵。並葬三原縣。昭宗和陵。葬河南緱氏縣。梁末帝葬伊闕縣。後唐末帝葬明宗陵內。以上三十八帝常禁樵採。此乾德四年十月詔也。著于甲令。其後又曾經開發者在重製禮衣裳。

推舉錄 卷一
服棺槨重葬焉東晉以降六朝陵寢多在金陵丹陽
人闕皆可考職而制書不載者當時江左奉平故耳
脩纂歷代陵名自漢高帝建名以來雖后妃追崇僭
霸無有遺者今行於世

國朝凡登從班無在外閑居者有罪則落職歸班亦
奉朝請或黜守偏州甚者乃分司安置不然則告老
挂冠熙寧開始置在外宮觀本王荆公意以處異論
者而荆公首以觀使閑住鍾山者八年

官制後惟光祿大夫及中散朝議二大夫分左右增
磨勘而已初非以科第分也元祐間范忠宣當國始
帶左右紹聖初罷去大觀二年又置中奉奉直三大
夫徹中散大夫朝議大夫左右字紹興初樞密院編
修官楊愿啓請再分左右自是以出身爲重

前宰相爲樞密使者宋元憲富鄭公文潞公陳秀公
宣和二年鄭華原以故相領院事紹興七年宰相秦
檜亦以前揆拜樞密使未幾復登庸近歲張魏公亦
然李邦直許冲元曾令綽韓師朴爲二府後皆入爲
尚書然不久復柄用惟令綽竟止八座

舊制樞密使知樞密事奏薦子弟皆補班行故富鄭公之子紹京文潞公之子貽慶皆爲閣門祇候元豐後方授文資

神宗朝詔樞密院編修經武要畧以都承旨張誠一
提舉誠一武臣也乞差編修官二員詔以王正仲胡
完夫爲館職詔令兼之是夕忽御批提舉改作管幹
詰朝執政改啓上所以上云已差館職編修豈可令
武臣提舉而樞密院編修官創自此也樞密院舊皆
武臣如都承旨亦用熙寧中王荆公怒李評罷去命
曾令縛爲都承自是始吏用文臣矣

仁宗以太中祥符七年由慶國公出閣隆興初易特
進封慶國公嘗以故事啓之遂上章辭不敢受改封
榮國然王將明白蒙亨宣和間皆封慶公而不辭豈
忘之耶

國朝范魯公質王文獻溥魏宣懿仁浦秉鈞史館
文集賢三相俱全 太宗初卽薛文惠居死沈恭惠
倫盧 多遜 真宗咸平二年李文靖沆向文簡
敏中呂文穆蒙正 仁宗至和三年劉文忠沆文潞

公彥博富鄭公弼元祐初司馬溫公爲左僕射文潞
公平章軍國重事呂正獻同平章軍國事皆三相也
至三年溫公薨文呂二公在位而呂汲公大防范忠
宣純仁爲左右僕射始四相然不久也

本朝宰相兼公師者范晉公王文獻趙韓王薛文惠
王文貞丁晉公馮文懿王文公呂文靖薛忠獻曾宣
靖富韓公文潞公呂正獻蔡師垣秦師垣陳魯公而
已餘皆罷政後拜近日惟張魏公自外以少傅再拜
右揆本朝三入相者趙韓王呂文穆文靖張鄧公文

潞公蔡元長雖四人而不克有終國朝自外拜相

者文潞公韓康公章子厚近年陳魯公亦曠典也

元符末曾文肅自知樞拜相是夕召文昭鑣宿禁林
而對喻旨草制昭力辭上云第草兄麻太平美事
禁中已檢見韓絳故事矣不須辭文昭始拜命蓋熙
寧初韓康公入相實持國當制國朝以來兩家而
已金今坡遺事載錢希白爲文僖草麻雖云儀同鈞衡
實未嘗秉政也

國朝宰相享耆壽者宋惠安八十張鄧公八十六陳

文惠八十二富韓公八十一杜祁公八十宋元獻七十九李文定七十七曾宣靖八十龐穎公七十六蘇丞相八十二文潞公雖至九十四而薨貶秩中蔡師垣亦九十一晚節拘籍南遷殂於中路不得全有富貴考終

國朝名公多厄於六十六韓忠獻歐陽文忠司馬溫公王荊公蘇翰林而秦師垣亦然 國朝宰相登庸年少者宋常山春明退朝錄備見之然無逾近歲范覺民丞相廷告曰方三十一但壽止三十七其後張魏公入相亦未四十且太夫人庸健罷相之外遷謫居外幾二十年後雖再入竟不拜元宰 國朝身為宰相壽考康寧再見其子入政府者惟曾宣靖一人而已

呂文穆相太宗猶子文靖參真宗政事相仁宗文靖子惠穆為英宗樞副為神宗樞使次子正獻為神宗知樞相哲宗正獻孫舜徒為太上皇右丞相繼執七朝政真盛事也

國朝一家為宰執者呂氏最盛既列于前矣父子兄

第者韓忠獻億子康公絳黃門維莊敏續范文正仲
淹子忠宣純仁左轄純禮石元懿熙載子文定中立
呂參政餘慶弟正惠端陳參政恕子恭公執中曹武
惠彬子武穆瑋任安惠中師弟康懿中正張參政增
左轄璟王惠獻化基子安簡舉正陳文忠堯叟弟文
惠堯佐王文獻溥孫康清貽奉章文憲得靖從孫樞
密案丞相惇王樞密博文子忠簡疇吳正肅育弟正
惠克曾宣靖公亮子樞密孝寬韓魏公琦子定忠彥
曾孫樞密肖胄胡文恭宿嫉左丞宗愈梁懿肅適孫
中書子美蔡忠懷確子樞密懋林文節希從子中書
摠蔡太師京子樞密攸鄧樞密洵武弟左轄洵仁近
日如參政錢端禮之於文僖亦一家而參政洪适樞
密洪遵爲伯仲數十年未見也


韓奉常治之妻魯國太夫人文氏潞公之孫魏公之
孫婦儀公之冢婦呂穆之外孫魯簡肅公之外曾孫
呂文靖之曾外孫見其子肖胄爲樞密婿億年爲資
政殿大學士儀同執政他子與孫俱被飾擢壽逾八
秩婦人中罕有唐張延賞苗夫人可儷之也

宣和中蔡居安提舉秘書省夏日會館職于道山食
瓜居安令坐客徵瓜事各疏所憶每一條食一片坐
客不敢盡言居安所徵爲優欲畢校書郎董彥遠連
徵數事皆所未聞悉有據依坐客咸嘆伏之識者謂
彥遠必不能安後數日果補外
曾文肅帥定武一日晨起忽語諸子曰吾必爲宰相
然須南遷請其所以公曰吾昨夕夢十郎綠袍北向
謝恩豈非他日貶司戶之徵乎後十年累登庸旣爲
蔡元長所擠徙居衡陽已而就降廉州司戶參軍勅
到取幼子緝朝服以拜命果符前夢十郎卽緝排行
也張咸漢州人應制舉初出蜀過夔州郡將知名士
也一見遇之甚厚因問曰四科優劣之差見於何書
無以對守曰載孟子注中因檢示之且曰不可不牢
攘之也張道中漫思索著論成篇至都閣試第一似
此爲首題張更不佇思而就王文范淳夫也覽之大
喜過閣第一黃元文叔愚能記守之姓名嘗以見告
今已忘之張卽魏公迺翁也

巳酉歲二月金人舉國南寇時 太 駐驛維揚虜

既次臨淮郡相距甚邇有招信尉以解部弓手百餘人拒敵是日也塵氛蔽日虜初不測其多寡遂相拒踰半日尉與衆竟死不退於是探騎得疾走上聞乘輿百僚僅得南渡倘非尉悉力以拒其鋒俾探騎得上聞則殆矣尉之姓名不傳於世可恨友人王彥國獻臣能道其詳他日當問之爲求大手筆作傳近見程可久云

郭稹字仲微仕至龍圖閣直學士權知開封府幼孤母邊更嫁王氏旣而母亡稹解官服喪知禮院宋祁言稹服喪爲過禮請下有司博議因馮元奏聽解官申心喪申喪蓋始于稹



標差錄卷下終

